

03316329

Dana 14.4.1995. godine u prostorije CSB Sarajevo pristupi pozvana CEHAJIC ALMA, kći Muhameda i majke Munevere, rođene Zubetljak, rođena 24.4.1976. godine u Sarajevu, gdje je i stalno nastanjena u ulici Branke Blažek broj 1, po zanimanju student, po nacionalnosti Bošnjakinja, identitet utvrđen na osnovu LK br. 2720/94 izdate od SJB Novo Sarajevo, JMB 2404976177658, i dade sljedeću


I Z J A V U

Dana 27.2. 1995. godine, vraćala sam se tramvajem kući iz grada, gdje sam morala otići radi zdravstvenih usluga na Stomatološkoj klinici. Dan je bio miran, i nisam čula nikakvu pucnjavu tokom čitavog jutra. Oko 12.15 sati, tramvaj se nalazio kod kasarne Maršal Tito, u ulici Zmaja od Bosne, preko puta robne kuće "Alemko". U tramvaju je bila uobičajena gužva ali ne mogu procijeniti broj putnika. Stajala sam kod trećih vrata tramvaja i bila sam okrenuta licem prema KMT. U daljini sam čula rafal iz automatskog oružja i tupe udarce zrna u tramvaj i lomljavu stakla. Tada sam, kao i svi putnici u tramvaju čučnula i osjetila udarac u podlakticu lijeve ruke. Vozač nije zaustavljao tramvaj dok nije došao iza okuke, gdje smo bili zaklonjeni. Tu je otvorio vrata, svi putnici su napustili tramvaj a putničkim automobilom su me meni nepoznati ljudi prebacili u Zavod za hitnu medicinsku pomoć gdje mi je ukazana ljekarska pomoć i povreda sanirana, odakle sam otišla kući. Sutradan sam otišla u Državnu Bolnicu Sarajevo, kod hirurga, na osnovu preporuke ljekara iz Hitne pomoći, koji mi je ranu pregledao, previo i dao mi antitetanus injekciju.

O prednjem nemam više ništa da izjavim, izjava mi je jasno i glasno pročitana, svi navodi u njoj su istiniti što potvrđujem i svojeručnim potpisom.

IZJAVU DALA:

Alma Čehajić



IZJAVU UZEO:

Goran Kulenović

